

საქართველოს ს.ს.რ.



საბჭო. რესპუბლიკის

მუშათა და გლეხთა მთავრობის

კანონთა და განკარგულებათა კრებული

სახალხო კომისართა საბჭოს და ეკონომიური საბჭოს
სამმეთა მმართველობის გამოცემა

1934 წ. ნოემბრის 5.

№ 30

ტფილისი

შ ი ნ ა ა რ ს ი

გ ა ნ ა თ ლ ე ბ ა

231. არასრულწლოვან სამართალდამრღვევთა საქმეების კომისიების დებულების დამტკიცებისა და სამოქმედოდ შემოღების შესახებ.

დებულება არასრულწლოვან სამართალდამრღვევთა საქმეების კომისიების შესახებ.

გ ა ნ ა თ ლ ე ბ ა

231. დადგინდება ს.კ.ს

არასრულწლოვან სამართალდამრღვევთა საქმეების კომისიების დებულების დამტკიცებისა და სამოქმედოდ შემოღების შესახებ.

საქართველოს სსრ სახალხო კომისართა საბჭო აღდგენს:

დამტკიცებულ და სამოქმედოდ შემოღებულ იქნეს ქვემოთდევნი დებულება არასრულწლოვან სამართალდამრღვევთა საქმეების კომისიების შესახებ.

საქ. სსრ ს.კ.ს.-ის თავმჯდომარე გ. მგალობლიშვილი.

საქ. სსრ ს.კ.ს.-ის საქმეთა მმართველი ა. ქავთარაძე.

1934 წ. ივლისის 28.

ტფილისი.

დ ე ბ უ ლ ე ბ ა

არასრულწლოვან სამართალდამრღვევთა საქმეების კომისიების შესახებ

I. ზოგადი დებულებანი.

1. არასრულწლოვან სამართალდამრღვევთა საქმეების კომისიების მიზანია ებრძოლონ იმ არასრულწლოვანთა მიერ სამართლის დარღვევას, რომელთაც თექვსმეტი წელი არ შეჰსრულებიათ.

აღნიშნულ ბრძოლას კომისიები აწარმოებენ სამართალდამრღვევთათვის სამედიკო-საპედაგოგიკო ზედმოქმედების ღონისძიებათა შეფარდებით.

2. არასრულწლოვან სამართალდამრღვევთა საქმეების კომისიები—ადგილობრივი და ცენტრალური—არსდებიან ამა დებულების თანახმად საქართველოს სსრ განათლების სახალხო კომისარიატის ადგილობრივ და ცენტრალურ ორგანოებთან და მოქმედობენ მათი მეთვალყურეობით.

3. არასრულწლოვან სამართალდამრღვევთა საქმეების კომისიების ხარჯებს ეწევიან განათლების სახალხო კომისარიატის ის ორგანოები, რომლებთანაც კომისიები არსებობენ; ეს ხარჯები შეიტანება ამ ორგანოების ხარჯთაღრიცხვებში.

4. არასრულწლოვან სამართალდამრღვევთა საქმეების კომისიების მოქმედების წესი განისაზღვრება განათლების სახალხო კომისარიატის მიერ, იუსტიციის სახალხო კომისარიატთან შეთანხმებით, გამოცემული ინსტრუქციით.

5. არასრულწლოვან სამართალდამრღვევთა საქმეების კომისიის თავმჯდომარე თვალყურს ადევნებს კომისიის დადგენილებათა აღსრულებას.

კომისიის მთელი მიწერა-მოწერა სწარმოებს მისი თავმჯდომარის ხელმოწერით.

6. არასრულწლოვან სამართალდამრღვევთა საქმეების კომისიის მოქმედების ანგარიში წარედგინება განათლების სახალხო კომისარიატის იმ ორგანოს, რომელთანაც კომისია არსებობს, ხოლო ანგარიშის ასლი გაეგზავნება იმ დაწესებულებათ, რომელთაც კომისიის შედგენილობაში ჰყავთ თავიანთი მუდმივი წარმომადგენელი—კომისიის წევრი.

7. არასრულწლოვან სამართალდამრღვევთა საქმეების კომისიას აქვს ბეჭედი სახელმწიფო ღერბის გამოსახულებით და თავისი სახელწოდებით.

8. ავტონომიურ რესპუბლიკებსა და ავტონომიურ ოლქში არასრულწლოვან სამართალდამრღვევთა საქმეების კომისიებს მოაწყობენ აღნიშნული რესპუბლიკებისა და ოლქის ცენტრალური აღმასრულებელი კომიტეტები, ამა დებულებასთან შეფარდებით გამოცემული დებულებების საფუძველზე.

II. არასრულწლოვან სამართალდამრღვევთა საქმეების ადგილობრივი კომისიები.

9. არასრულწლოვან სამართალდამრღვევთა საქმეების ადგილობრივი კომისიები არსდებიან ქალაქებში და, საქიროებისადამიხედვით, აგრეთვე სხვა და-

სახლებულ ადგილებში, დამოუკიდებელ საადმინისტრაციო-სამეურნეო ერთეულებად გამოყოფილი ქალაქების საქალაქო საბჭოებისა და სარაიონო აღმასრულებელი კომიტეტების დადგენილებების თანახმად, სახალხო განათლების სათანადო განყოფილებების წარდგენით.

10. არასრულწლოვან სამართალდამრღვევთა საქმეების ადგილობრივი კომისიები, იმყოფებიან—რა სახალხო განათლების სათანადო განყოფილებათა გამოგებლობაში, ექვემდებარებიან იმავე დროს არასრულწლოვან სამართალდამრღვევთა საქმეების ცენტრალური კომისიის ხელმძღვანელობასა და ზედამხედველობას.

11. არასრულწლოვან სამართალდამრღვევთა საქმეების ადგილობრივ კომისიას შეადგენენ: თავმჯდომარე—პედაგოგი,—სახალხო განათლების ადგილობრივი განყოფილების წარმომადგენელი,—როქელიც ინიშნება არასრულწლოვან სამართალდამრღვევთა საქმეების ცენტრალურ კომისიასთან შეთანხმებით, და წევრები: ადგილობრივი სახალხო მოსამართლე და ექიმი—ჯანმრთელობის ადგილობრივი განყოფილების ან ადგილობრივი ინსპექტურის წარმომადგენელი. კომისიის პერსონალურ შედგენილობას ამტკიცებს საქალაქო საბჭოს ან სარაიონო აღმასრულებელი კომიტეტის პრეზიდიუმი.

12. არასრულწლოვან სამართალდამრღვევთა საქმეების ადგილობრივი კომისიის სხდომებს შეიძლება დაესწონენ, სათათბირო ხმის უფლებით, პროფესიონალური კავშირებისა და საქართველოს ახალგაზრდა ლენინელთა კომუნისტური კავშირის ადგილობრივი სარაიონო ორგანოების წარმომადგენელი და აგრეთვე სხვა, იმ ადგილობრივი დაწესებულებებისა და ორგანიზაციების წარმომადგენელი, რომელნიც დაინტერესებული არიან არასრულწლოვანთა მიერ სამართლის დარღვევასთან გეგმა-შეწონილი ბრძოლის განვითარების საქმით.

13. არასრულწლოვან სამართალდამრღვევთა საქმეების თვითივე კომისიის ჰყავს გამოკვლევ-აღმზრდელთა და საბავშვო სოციალურ ინსპექტორთა შტატი და საჭირო მომსახურე ტექნიკური პერსონალი.

14. არასრულწლოვან სამართალდამრღვევთა საქმეების კომისიის თავმჯდომარედ და გამოკვლევ-აღმზრდელად შეიძლება იყოს ისეთი პირი, რომელსაც აქვს საქმარისი საერთო განათლება და, ამის გარდა, პედოლოგო-პედაგოგიური მომზადება, ან პედაგოგიური სტაჟი არასრულწლოვანთა მიერ სამართლის დარღვევასთან და ბავშვთა უპატრონობასთან ბრძოლის სფეროში.

15. უკეთუ არასრულწლოვან სამართალდამრღვევთა საქმეების კომისია, გამოკვლევის ცნობებისა და საქმის ყველა გარემოების თანახმად, სცნობს არასრულწლოვანი სამართალდამრღვევისათვის, რომელსაც ცამეტი წლის ასაკი შეჰსრულებია, სამედიკო-საპედაგოგიკო ზედმოქმედების ღონიერიგებათა შეფარდება საქმარისი არ არის, იგი საქმეს გადასცემს სასამართლოს ან საადმინისტრაციო ორგანოს—კუთვნილებისამებრ.

16. უკეთუ არასრულწლოვან სამართალდამრღვევთა კომისია შენიშნავს საქმეში, რომ მოზრდილის მიერ დანაშაულია ჩადენილი მცირეწლოვანის მი-

მართ, იგი აცნობებს ამას სათანადო სასამართლო ორგანოს; ამასთანავე კომისიას სიას უფლება აქვს, თავისი თავმჯდომარისა და აღმზრდელ-გამომკვლევის სახით, ბრალმდებლობა გასწიოს სასამართლოში.

17. არასრულწლოვან სამართალდამრღვევთა საქმეების ადგილობრივი კომისიის თავმჯდომარეს უფლება აქვს ერთპიროვნული ძალა-უფლებით:

ა) მიანდოს ვისაც ჯერ არს გამოკვლევის წარმოება და მასალის განმზავდება, რაც საჭიროა იმისათვის, რომ კომისიამ განიხილოს საქმე;

ბ) იხმაროს ღონისძიება, რაც უზრუნველჰყოფს არასრულწლოვანის გამოცხადებას კომისიის სხდომაზე საქმის გასარჩევად;

გ) უკეთუ შემოვა საქმე ისეთ არასრულწლოვან სამართალდამრღვევზე, რომელსაც თექვსმეტი წლის ასაკი შეჰსრულებია, გადასცეს საქმე სასამართლოს ან საადმინისტრაციო ორგანოს, კუთვნილებისამებრ.

18. არასრულწლოვან სამართალდამრღვევთა საქმეების ადგილობრივი კომისიის დადგენილება საბოლოოა და არ განისაზივრება. ამ დადგენილების გადასინჯვა შეუძლია არასრულწლოვან სამართალდამრღვევთა საქმეების ცენტრალურ კომისიას—ხედაზხედველობის წესით (ამა დებულების 25 მუხლის „ე“ პუნ.), და აგრეთვე დადგენილების გამომტან ადგილობრივ კომისიას, უკეთუ გამოირკვა ახალი რამ გარემოება.

19. არასრულწლოვანთა მშობლებს და იმ პირთ, ვის მზრუნველობაზედაც ისინი იმყოფებიან, დაზარალებულს, მოწმეს და ექსპერტს, რომელნიც არაპატივსაღები მიზეზით არ გამოცხადდებიან არასრულწლოვან სამართალდამრღვევთა საქმეების კომისიის დაბარებისამებრ, დაედებათ, ამ კომისიის დადგენილებით, ჯარიმა ათმანეთამდე, და, უკეთუ საჭიროა, ისინი შეიძლება მიყვანილ იქნენ იძულებით.

III. არასრულწლოვან სამართალდამრღვევთა საქმეების ცენტრალური კომისია.

20. არასრულწლოვან სამართალდამრღვევთა საქმეების ცენტრალური კომისია არსებობს საქართველოს სსრ განათლების სახალხო კომისარიატთან.

21. არასრულწლოვან სამართალდამრღვევთა საქმეების ცენტრალურ კომისიას შეადგენენ: თავმჯდომარე—განათლების სახალხო კომისარიატის წარმომადგენელი და წევრები—ჯანმრთელობისა, სოციალური უზრუნველყოფისა და იუსტიციის სახალხო კომისარიატების თითო მუდმივი წარმომადგენელი და თითო მათი მოადგილე.

22. არასრულწლოვან სამართალდამრღვევთა საქმეების ცენტრალური კომისიის სხდომებს შეიძლება დაესწრნენ, სათათბირო ხმის უფლებით, სრულიად საქართველოს ცენტრალურ აღმასრულებელ კომიტეტთან არსებული ბავშთა ცხოვრების პირობების გაუმჯობესების კომისიის, საქართველოს პროფესიონალურ კავშირთა საბჭოს და ახალგაზრდა ლენინელთა კომუნისტური კავშირის ცენტრალური კომიტეტის წარმომადგენელი და აგრეთვე სხვა დაინტერესებუ-



ლი დაწესებულებებისა და ორგანიზაციების წარმომადგენელი — არასრულწლოვანი სამართალდამრღვევთა საქმეების ცენტრალური კომისიის მიწვევით.

23. არასრულწლოვანი სამართალდამრღვევთა საქმეების ცენტრალურ კომისიასთან განწესებულ არიან კონსულტანტ-მომხსენებელი და მდივანი. ცენტრალური კომისიის ტექნიკურ მუშაობას ასრულებს განათლების სახალხო კომისარიატის აპარატი.

24. არასრულწლოვანი სამართალდამრღვევთა საქმეების ცენტრალური კომისია უშაღლესი ორგანოა, რომელიც წარმართავს და კონტროლს და ზედამხედველობას უწევს არასრულწლოვანი სამართალდამრღვევთა საქმეების ადგილობრივი კომისიების საქმიანობას.

25. არასრულწლოვანი სამართალდამრღვევთა საქმეების ცენტრალური კომისიის გაშვებლობის საგანს შეადგენს:

ა) დაამყაროს არასრულწლოვანთა მიერ სამართლის დარღვევასთან ბრძოლის შესახები კანონების წესიერი და თანაბარი შეფარდება;

ბ) შეიმუშაოს და განახორციელოს სათანადო ორგანოების მეშვეობით არასრულწლოვანთა მიერ სამართლის დარღვევასთან ბრძოლისათვის მიმართული ღონისძიებანი;

გ) ხელმძღვანელობა გაუწიოს არასრულწლოვანი სამართალდამრღვევთა საქმეების ადგილობრივი კომისიების საქმიანობას, თვალყური ადევნოს მათ წესიერ ფუნქციონირებას და აღწესბინოს მათი მუშაობა;

დ) მისცეს განმარტებანი ადგილობრივ კომისიებში აღძრულ საკითხებზე, რაც დაკავშირებულია არასრულწლოვანი სამართალდამრღვევთა შესახები კანონებისა და ინსტრუქციების შეფარდებასთან;

ე) განიხილოს, ზედამხედველობის წესით არასრულწლოვანი სამართალდამრღვევთა საქმეების ადგილობრივი კომისიების მიერ გადაწყვეტილი საქმეები.

26. არასრულწლოვანი სამართალდამრღვევთა საქმეების ადგილობრივი კომისიების მიერ გადაწყვეტილი საქმეების ზედამხედველობის წესით გადასინჯვის დროს ცენტრალურ კომისიას შეუძლია შეიტანოს ადგილობრივი კომისიების დადგენილებებში საჭირო შესწორებანი ან გააუქმოს ეს დადგენილებანი — საქმის ხელახალი განხილვისათვის გადაცემით იმავე ან სხვა, არასრულწლოვანი სამართალდამრღვევთა საქმეების ადგილობრივი კომისიისათვის.

27. უკეთეს არასრულწლოვანი სამართალდამრღვევთა საქმეების ცენტრალური კომისია აღმოაჩენს იმ დაწესებულებაში სადაც არასრულწლოვანი სამართალდამრღვევნი იმყოფებიან, საქმის ორგანიზაციის ნაკლოვანებას ან არაწესიერ წარმოებას, იგი აცნობებს ამას სათანადო უწყებას.

ფახი 20 კაპ.

გამომცემელი საქ. სსრ. ს.კ. ს-ობ 1934 წ. № 59 პ/მ. რედაქტორი მ. გამარჯაძე

ქალაქის ფორმატი 62X94 სანტი; 3/8 ბეჭდვ. ფურც.; -1 ბეჭდვ. ფურც.; 48.500 სტამბ. ნიშანი გადაეცა სტამბას 7/X; ხელმოწერილია დასაბეჭდად 3/XI; ტირაჟი 2.000.

მთავ. რეჟიმ. ს. — № 89 საქ. სსრ სახალხო კომისართა საბჭოს სტამბა. შევ. № 1575